

Գլխավոր տեղեկություն

Համար	N 1864-Ն		
Տիպ	Որոշում		
Ակտի տիպ	Պաշտոնական հսկողություն (19.10.2024-մինչ օրս)		
Կարգավիճակ	Գործում է		
Սկզբնաղբյուր	Միասնական կայք 2023.10.16-2023.10.29 Պաշտոնական հրապարակման օրը 27.10.2023		
Ընդունող մարմին	ՀՀ կառավարություն		
Ընդունման ամսաթիվ	26.10.2023		
Ստորագրող մարմին	ՀՀ վարչապետ		
Ստորագրման ամսաթիվ	27.10.2023		
Ուժի մեջ մտնելու ամսաթիվ	28.10.2023		

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

26 հոկտեմբերի 2023 թվականի N 1864-Ն

ԼԵՈՆԱՅԻՆ ՂԱՐԱՔԱՂԻՑ ԲՈՒՆԻ ՏԵՂԱՀԱՆՎԱԾ ԱՆՁԱՆՑ ԺԱՄԱՆԱԿԱՎՈՐ ՊԱՇՏՊԱՆՈՒԹՅԱՆ ՏԱԿ ՎԵՐՑՆԵԼՈՒ, ԺԱՄԱՆԱԿԱՎՈՐ ՊԱՇՏՊԱՆՈՒԹՅՈՒՆ ՍՏԱՑԱԾ ՓԱԽՍԱԿԱՆԻ ԱՆՁԸ ՀԱՍՏԱՏՈՂ ՓԱՍՏԱԹՂԹԻ ՆԿԱՐԱԳԻՐԸ ԵՎ ԴՐԱ ՏՐԱՄԱԴՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

Հաշվի առնելով, որ Ադրբեջանի կողմից Լեռնային Ղարաբաղի նկատմամբ 2023 թվականի սեպտեմբերի 19-ին իրականացված ռազմական հարձակման, ինչպես նաև 2020 թվականի 44-օրյա պատերազմի հետևանքով Լեռնային Ղարաբաղի հայ բնակչությունը բռնի տեղահանվել է իր մշտական բնակության երկրից՝ հայտնվելով Հայաստանի Հանրապետության տարածքում,

Նկատի ունենալով 2022 թվականի դեկտեմբերի 12-ից Լաչինի միջանցքի ապօրինի արգելափակումը և Լեռնային Ղարաբաղի բնակիչների ազատ տեղաշարժի իրավունքի սահմանափակումը, ինչի հետևանքով Լեռնային Ղարաբաղի բնակիչները շարունակաբար զրկված են իրենց մշտական բնակության երկիր վերադառնալու հնարավորությունից,

Հաշվի առնելով, որ Ադրբեջանի Հանրապետության կողմից Լեռնային Ղարաբաղում 2023 թվականի սեպտեմբերի 19-ին իրականացված ռազմական ագրեսիայի արդյունքում թիրախավորվել են նաև Լեռնային Ղարաբաղի բնակավայրերը և այնտեղ բնակվող խաղաղ բնակչությունը,

Նկատի ունենալով, որ Լեռնային Ղարաբաղի դեմ Ադրբեջանի Հանրապետության բացահայտ ագրեսիան և լայնածավալ ռազմական գործողությունները հանգեցրել են տասնյակ հազարավոր զոհերի և զգալի նյութական կորուստների,

Հաշվի առնելով, որ Լեռնային Ղարաբաղի բնակիչները բռնի տեղահանվել են իրենց մշտական բնակության երկրից՝ համատարած բռնության և բռնության իրական սպառնալիքի, արտաքին հարձակման, միջազգային մարդասիրական իրավունքի և մարդու իրավունքների զանգվածային խախտումների, հասարակական կարգը խախտող իրադարձությունների, Ադրբեջանի Հանրապետության հայատնաց, Լեռնային Ղարաբաղի ժողովրդին էթնիկ գտման ենթարկելու քաղաքականության պատճառով, և Լեռնային Ղարաբաղի բնակիչները հնարավորություն չունեն ներկայումս վերադառնալու իրենց մշտական բնակության երկիր,

Նկատի ունենալով Լեռնային Ղարաբաղում բնիկ հայ ժողովրդի անվտանգության

ապահովման միջազգային երաշխիքների բացակայությունը,

Հիմք ընդունելով Հայաստանի Հանրապետության ներքին գործերի նախարարության միգրացիայի և քաղաքացիության ծառայության առաջարկությունը,

Ելնելով բռնի տեղահանված և Հայաստանի Հանրապետության տարածքում հայտնված Լեռնային Ղարաբաղի բնակիչների իրավունքների և օրինական շահերի պաշտպանության անհրաժեշտությունից

և ղեկավարվելով «Փախստականների կարգավիճակի մասին» կոնվենցիայով և դրան կից 1967 թվականի Արձանագրությամբ, «Փախստականների և ապաստանի մասին» օրենքի 3-րդ հոդվածի 1-ին մասով, 61-րդ հոդվածով, 62-րդ հոդվածի 1-ին և 7-րդ մասերով, «Նորմատիվ իրավական ակտերի մասին» օրենքի 37-րդ հոդվածով՝ Հայաստանի Հանրապետության կառավարությունը **որոշում է.**

1. Ժամանակավոր պաշտպանության տակ վերցնել՝

1) Լեռնային Ղարաբաղի բնակչության ռեգիստրի հաշվառումներով անցնող անձանց.

2) Հայաստանի Հանրապետության տարածքում կամ Հայաստանի Հանրապետությունից դուրս գտնվող այն անձանց, որոնց վերջին հաշվառման հասցեն եղել է Լեռնային Ղարաբաղում.

3) այն անձանց, որոնք չեն ունեցել հաշվառում Լեռնային Ղարաբաղի բնակչության ռեգիստրում, սակայն բնակվել են Լեռնային Ղարաբաղում և 2023 թվականի սեպտեմբերի 19-ից Ադրբեյջանի կողմից Լեռնային Ղարաբաղի դեմ սանձազերծած ռազմական գործողությունների հետևանքով բռնի տեղահանվելուց հետո հաշվառվել են Հայաստանի Հանրապետության ներքին գործերի նախարարության միգրացիայի և քաղաքացիության ծառայության (այսուհետ՝ ծառայություն) կողմից:

2. Սահմանել, որ սույն որոշումը չի տարածվում սույն որոշման 1-ին կետում նշված, բայց այլ պետության քաղաքացիություն ունեցող անձանց նկատմամբ:

3. Սույն որոշման 1-ին կետում նշված ժամանակավոր պաշտպանության տակ վերցված անձինք «Փախստականի և ապաստանի մասին» Հայաստանի Հանրապետության օրենքի 62-րդ հոդվածի 1-ին մասի ուժով ճանաչվում են փախստական:

4. Սահմանել, որ ժամանակավոր պաշտպանությունը տրվում է մինչև 2025 թվականի դեկտեմբերի 31-ը՝ երկարաձգման հնարավորությամբ:

(4-րդ կետը խմբ. 17.10.24 N 1649-Ն)

5. Հաստատել՝

1) ժամանակավոր պաշտպանություն ստացած փախստականի անձը հաստատող փաստաթղթի նկարագիրը՝ համաձայն N 1 հավելվածի.

2) ժամանակավոր պաշտպանություն ստացած փախստականի անձը հաստատող փաստաթուղթ տալու կարգը՝ համաձայն N 2 հավելվածի:

6. Հայաստանի Հանրապետության արտաքին գործերի նախարարին՝

1) սույն որոշման 1-ին կետով սահմանված անձանց կողմից օտարերկրյա պետություններում գործող Հայաստանի Հանրապետության դիվանագիտական և հյուպատոսական ներկայացուցչություններ դիմելու դեպքում անհապաղ տեղեկացնել ժամանակավոր պաշտպանության վերցվելու հնարավորության մասին և վերջիններիս գրավոր համաձայնությունն ուղարկել ծառայություն՝ հաշվառման նպատակով.

2) օտարերկրյա պետություններում գտնվող և ժամանակավոր պաշտպանության վերցված փախստականների փաստաթղթավորումն իրականացնել ծառայության միջոցով՝ սույն որոշման 5-րդ կետի 2-րդ ենթակետով հաստատված կարգի համաձայն:

7. Հայաստանի Հանրապետության ներքին գործերի նախարարին՝ «Փախստականների և ապաստանի մասին» օրենքի 62-րդ հոդվածի 3-րդ մասի պահանջի համաձայն՝ ապահովել սույն որոշմամբ սահմանված անձանց հաշվառումը ժամանակավոր պաշտպանություն ստացած անձանց շտեմարանում՝ բացելով ամբողջ խմբի համար մեկ միասնական գործ, որտեղ պետք է գրանցվեն նրանց անձնական տվյալները՝ ներառյալ ընտանիքի կազմը:

8. Ուժը կորցրած ճանաչել Հայաստանի Հանրապետության կառավարության 2009 թվականի նոյեմբերի 26-ի «Ժամանակավոր պաշտպանություն ստացած փախստականի անձը հաստատող փաստաթղթի նմուշը տալու կարգը և այդ փաստաթուղթը կոնվենցիոն ճամփորդական փաստաթղթով փոխանակելու կարգը հաստատելու մասին» N 1367-Ն որոշումը:

9. Սույն որոշումն ուժի մեջ է մտնում պաշտոնական հրապարակմանը հաջորդող օրվանից, բացառությամբ սույն որոշման N 1 հավելվածի 2-րդ կետի, որն ուժի մեջ է մտնում պաշտոնական հրապարակման օրվանից երեք ամիս հետո:

**Հայաստանի Հանրապետության
վարչապետ**

Ն. Փաշինյան

Երևան

27.10.2023
ՀԱՎԱՍՏԱՎՈՐ
ԷԼԵԿՏՐՈՆԱԳՐ
ԱՏՈՐԱԳՐՈՒԹՅՈՒՆ

Ն Կ Ա Ր Ա Գ Ի Ր

ԺԱՄԱՆԱԿԱՎՈՐ ԴԱՇՏԴԱՆՈՒԹՅՈՒՆ ՍՏԱՑԱԾ ՓԱԽՍՏԱԿԱՆԻ ԱՆՁԸ ՀԱՍՏԱՏՈՂ ՓԱՍՏԱԹՂԹԻ

1. Ժամանակավոր պաշտպանություն ստացած փախստականի անձը հաստատող փաստաթուղթ են՝

1) անձնագիրը (այսուհետ՝ անձնագիր), որն իր նկարագրով համապատասխանում է Հայաստանի Հանրապետության կառավարության 1998 թվականի դեկտեմբերի 25-ի N 821 որոշմամբ հաստատված անձնագրի նկարագրին, սակայն ծածկագիրը տպագրվում է (կամ տպագրված է) բացառապես 070 ծածկագրով:

2) Ժամանակավոր պաշտպանության (փախստականի) վկայականը՝ համաձայն նմուշի: Ժամանակավոր պաշտպանության (փախստականի) վկայականը վավեր է հատուկ համարանիշում (արագ արձագանքման կոդում) նշված ժամկետով:

(1-ին կետը լրաց. 17.10.24 N 1649-Ն)

2. Սույն հավելվածի 1-ին կետով սահմանված փաստաթղթերը Հայաստանի Հանրապետությունից դուրս գալիս վավեր են միայն միասին գործածելու պարագայում: Հայաստանի Հանրապետություն մուտք գործելու համար Ժամանակավոր պաշտպանության (փախստականի) վկայական չի պահանջվում:

(2-րդ կետը փոփ., լրաց. 17.10.24 N 1649-Ն)

Նմուշ

Ժամանակավոր պաշտպանության (փախստականի) վկայականի

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ		Ժամանակավոր պաշտպանության (Փախստականի) վկայական	
REPUBLIC OF ARMENIA		Temporary Protection (Refugee) Certificate	
Անուն / Name	Ազգանուն / Surname		
Ծնվել է / Date of Birth	ԴՄԲ / PSN		
Սեռ/Sex	Անձնագրի N / Passport N		
Տրված է / Date of issue	Վավեր է / Date of expiry		
Ում կողմից՝ ՀՀ ԱԳՆ ՍԹԾ Issued by MCS of RA MoI			

(Նմուշը խմբ. 17.10.24 N 1649-Ն)

(հավելվածը լրաց., փոփ., խմբ. 17.10.24 N 1649-Ն)

Հայաստանի Հանրապետության
վարչապետի աշխատակազմի
ղեկավարի տեղակալ

Ա. Խաչատրյան

27.10.2023
ՀԱՎԱՍՏԱՎՈՐ
ԷԼԵԿՏՐՈՆԱԳՐԱԿ
ՍՏՈՐԱԳՐՈՒԹՅԱՄԲ

Հավելված N 2
ՀՀ կառավարության 2023 թվականի
հոկտեմբերի 26-ի N 1864-Ն որոշման

Կ Ա Ր Գ

ԺԱՄԱՆԱԿԱՎՈՐ ԴԱՇՏԴԱՆՈՒԹՅՈՒՆ ՍՏԱՑԱԾ ՓԱԽՍՏԱԿԱՆԻ ԱՆՁԸ ՀԱՍՏԱՏՈՂ ՓԱՍՏԱԹՂԹԻ ՏՐԱՄԱՂԻՄԱՆ

1. Ժամանակավոր պաշտպանություն ստացած փախստականին անձը հաստատող փաստաթղթերը տրվում կամ փոխանակվում են Հայաստանի Հանրապետության բնակչության պետական ռեգիստրում հաշվառում ունենալու դեպքում Հայաստանի Հանրապետությունում՝ ծառայության, իսկ օտարերկրյա պետություններում՝ Հայաստանի Հանրապետության դիվանագիտական ներկայացուցչությունների կամ հյուպատոսական հիմնարկների կողմից:

2. Առաջին անգամ անձնագիր ստանալու համար դիմումատուն անձամբ ներկայացնում է՝

1) դիմում.
2) ծննդյան վկայական կամ մինչև 16 տարին լրանալն ստացած անձնագիր.
3) 35 x 45 մմ չափսի երկու լուսանկար (գունավոր).
4) առկայության դեպքում այլ փաստաթղթեր:
3. 16 տարին չլրացած անձի ծնողներից մեկը կամ օրինական ներկայացուցիչը 16 տարին չլրացած անձի անձնագիր ստանալու կամ փոխանակելու համար ներկայացնում է՝
1) դիմում.
2) ծննդյան վկայական կամ մինչև 16 տարին լրանալն ստացած անձնագիր.
3) 35x45 մմ չափսի երկու լուսանկար (գունավոր).
4) ծնողների ամուսնության վկայական, իսկ համապատասխան դեպքերում՝ մահվան, հայրության ճանաչման վկայականները կամ միայնակ մայր լինելու մասին տեղեկանք կամ օրենքով սահմանված կարգով անհայտ բացակայող կամ մահացած ճանաչվելու վերաբերյալ դատարանի՝ օրինական ուժի մեջ մտած վճիռը:
4. Ժամանակավոր պաշտպանություն ստացած փախստականի անձնագիրը կարող է փոխանակվել դրանում պարունակվող տեղեկությունները փոխելու, գրառումներում անճշտություններ հայտնաբերելու, անձնագիրն օգտագործման համար ոչ պիտանի լինելու, ինչպես նաև այն դեպքում, երբ՝
1) քաղաքացին փոխել է բնակչության պետական ռեգիստրում իր վերաբերյալ գոյություն ունեցող այն տվյալները, որոնք սույն օրենքի ուժով ենթակա են ամրագրման քաղաքացու անձնագրում.
2) լրացել են մուտքի վիզաները փակցնելու համար նախատեսված անձնագրի էջերը.
3) լրացել է անձնագրի վավերականության ժամկետը.
4) անձնագրի մեջ առկա են ոչ ճիշտ տվյալներ.
5) քաղաքացին նման ցանկություն է հայտնել:
5. Անձնագիրը փոխանակելու համար անձը ներկայացնում է՝
1) դիմում.
2) փոխանակման ենթակա անձնագիր.
3) 35 x 45 մմ չափսի երկու լուսանկար (գունավոր).
4) փաստաթղթում որևէ տեղեկություն փոխելու կամ գրառումներում անճշտություններ հայտնաբերելու դեպքում՝ նաև իրավասու մարմնի կողմից տրված փոփոխությունը կամ անճշտությունը հավաստող փաստաթուղթ, եթե այդ տեղեկություններն առկա չեն ծառայության վարվող շտեմարանում:
6. Տպագրված անձնագիրը անձն ստանում է անձամբ կամ ներկայացուցչի միջոցով:
7. Ծառայությունն անձնագիր տալիս կամ փոխանակում է դիմումը մուտքագրվելուց հետո 5-րդ աշխատանքային օրը: Ծառայությունների վճարովի մատուցման պայմանագրի հիման վրա անձնագիր կարող է տրվել կամ փոխանակվել ավելի կարճ ժամկետում՝ Հայաստանի Հանրապետության կառավարության 2008 թվականի դեկտեմբերի 11-ի N 1465-Ն որոշմամբ սահմանված դեպքերում և կարգով:
8. Անձնագիրը դիմումատուին հանձնվում է ժամանակավոր պաշտպանության (փախստականի) վկայականի հետ միասին:
9. Անձնագրում գրառումներ, նշումներ կատարելու, կորած, գտնված անձնագրերը հանձնելու, դրանք ոչնչացնելու, անձնագրի փոխանակման (կորստի, վավերականության ժամկետը լրանալու) կապակցությամբ մինչև նոր անձնագիր ստանալն անձի դիմումի հիման վրա ժամանակավոր վկայական տրամադրելու և այլ հարաբերությունների նկատմամբ տարածվում է Հայաստանի Հանրապետության կառավարության 1998 թվականի դեկտեմբերի 25-ի «Հայաստանի Հանրապետությունում անձնագրային համակարգի կանոնադրությունը և Հայաստանի Հանրապետության քաղաքացու անձնագրի նկարագիրը հաստատելու մասին» N 821 որոշմամբ հաստատված ընթացակարգը:

**Հայաստանի Հանրապետության
վարչապետի աշխատակազմի
ղեկավարի տեղակալ**

Ա. Խաչատրյան

27.10.2023
ՀԱՎԱՍՏԱՎՈՐ
ԷԼԵԿՏՐՈՆԱՅԻՆ
ՍՏՈՐԱԳՐՈՒԹՅԱՄԲ

Պաշտոնական հրապարակման օրը՝ 27 հոկտեմբերի 2023 թվական:

Փոփոխման պատմություն

Փոփոխող ակտ

[17.10.2024, N 1649-Ն](#)

Համապատասխան ինկորպորացիան

[19.10.2024, N 1864-Ն](#)

Փոփոխված ակտ

Փոփոխող ակտ

Համապատասխան ինկորպորացիան